



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-55454/24
Sarajevo, 10.01.2025. godine

-SKUPŠTINA KANTONA SARAJEVO-

PREDMET : Odgovor na zastupničko pitanje – dostavlja se

Zastupnik Muamer Bandić, na 19. radnoj sjednici Skupštine Kantona Sarajevo, održanoj dana 30.12.2024. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211. i 214. Poslovnika Skupštine Kantona Sarajevo postavio je sljedeće pitanje:

„Molim da mi svi navedeni organi uprave i službe Kantona Sarajevo pojedinačno dostave pisani odgovor koliki broj ugovora o djelu je zaključen u navedenim organima uprave i službama Kantona Sarajevo u 2024. godini? Zahtijevam da odgovor sadrži precizne informacije o svakom pojedinačnom ugovoru o djelu sa tačno navedenim datumom zaključivanja i datumom raskida ili prestanka svakog ugovora, predmetom i osnovom za zaključivanje svakog ugovora, kao i novčani iznos za svaki pojedinačni ugovor, odnosno za obavljeni posao po svakom ugovoru o djelu u 2024. godini.“

U vezi sa postavljenim zastupničkim pitanjem dostavljamo sljedeći

ODGOVOR

Ministarstvo zdravstva Kantona Sarajevo je u toku 2024. godine zaključilo četiri ugovora o djelu.

1. Jedan izvršilac – angažovan da postupa po zahtjevima ratnih vojnih invalida na području Kantona Sarajevo u skladu sa Odlukom o proširenom obimu prava za korištenje medicinskih sredstava i lijekova za RVI sa područja Kantona Sarajevo. Ugovor o djelu, zaključen je na period od 07.12.2023. – 07.03.2024. godine. Ugovorom je definisana isplata neto naknade u iznosu 1.400,00 KM, na mjesečnom nivou. Nakon završetka procedure javnog oglasa od strane Agencije za državnu službu FBiH i prijema jednog državnog službenika, prestala je potreba za daljim angažmanom po osnovu ugovora o djelu.
2. Jedan izvršilac – angažovan da predstavlja Ministarstvo zdravstva Kantona Sarajevo na sastanku Pododbora za unutarne tržište i konkurenciju, uključujući zaštitu zdravlja i potrošača između Evropske unije i Bosne i Hercegovine. Ugovor o djelu, zaključen je na period od 28.02.2024. – 01.03.2024. godine. Ugovorom je definisana isplata neto naknade u iznosu od 2.500,00 KM. Iznos naknade je podrazumjevaao troškove prevoza, smještaja i ostale troškove nastale u izvršenju ovog ugovora o djelu.
3. Jedan izvršilac – angažovan da obavlja poslove koji se odnose na koordinaciju aktivnosti između Ministarstva zdravstva Kantona Sarajevo i javnih zdravstvenih ustanova, sindikata u oblasti zdravstva, udruženja u oblasti zdravstva i drugih institucija, sa ciljem blagovremene i efikasne implementacije Prijedloga reorganizacije sistema zdravstvene zaštite u Kantonu Sarajevo. Ugovor o

djelu, zaključen je na period od 01.02.2024. – 01.05.2024. Ugovorom je definisana isplata neto naknade u iznosu 1.800,00 KM, na mjesečnom nivou.

4. Jedan izvršilac – angažovan da obavlja poslove kancelarijskog i arhivskog poslovanja Ministarstva zdravstva Kantona Sarajevo, ovjeravanje rukopisa, prijepisa i potpisa Ministarstva, tehničke poslove za potrebe ministra i sekretara Ministarstva, i sve druge poslove koji spadaju u administrativno-tehničke poslove Ministarstva. Ugovor o djelu, zaključen je na period 12.02.2024. – 12.04.2024.godine. Ugovorom je definisana isplata neto naknade u iznosu 1.200,00 KM, na mjesečnom nivou. Nakon završetka procedure javnog oglasa i prijema jednog namještenika, prestala je potreba za daljim angažmanom po osnovu ugovora o djelu.

S poštovanjem,



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

